

康熙二十六年湖北武昌府志

武昌府志江陰張天錫考證等主修

260.15

132

260.12

武昌府志序



皇上聖武布昭削平反側東
漸西被幅幘廣遠自生
民以來所未有也爰
命直省各修通志下其事
于郡邑而石虹張君向

嘗司訓是邦武昌府志
出其手裁彬彬乎徵文
考獻簡核精嚴良史才
也已而捷南宮讀中秘
書未獲竣事新任裴守
視事伊始卽以修輯爲

已任凡夫故老之所傳
家乘之所述與夫殘碑
斷碣之間無不按剔詮
次焉請政于余余謂武
昌乃都會之地四方風
氣所萃章程聲教爲諸
郡所觀效而

朝廷封疆大吏及監司以下
咸于此駐節焉雖曰郡
志實與楚通志等所關
係者豈淺鮮哉故爲之
攷分野則翼軫之墟善

言天者必有驗于人也
攬疆圉則聯荆峴而吞
雲夢所謂設險以守國
也按石口則知登耗之
數當思藏富于民也列
官師則循卓者政蹟畢

書而餘僅紀其爵里姓
氏焉卽褒貶所由寓也
至人物菽文尤易徇情
而汎濫乃自勲德以下
綱舉目張而古文詩詞
所登皆楚材之雋也豈

徒以侈聞見矜博洽而
已哉昔紫陽夫子出守
南康首閱誌乘識者以
爲知所先務其後政蹟
之盛駕軼龔黃語云前
事之不忘後事之師也

武昌夙稱名郡而民生
風俗之間古何以盛今
何以衰古何以醇今何
以漓則教養生聚以副
當宁子惠元元之至意是亦
在上者之責也故於載

筆之餘深屬望于裴守
而余亦欲與同事諸君
子共勉焉

皇清康熙二十六年歲次丁
卯孟春上浣之吉總督
湖廣等處地方軍務兼


武昌府志

序

五

徐

理糧餉兵部尚書兼都
察院右副都御史徐國
相撰



武昌府志序

從來載籍所垂在國曰
史在直省在郡在邑曰
志志之始其權輿于九
丘乎孔安國曰丘聚也
土地所生風氣所宜皆

聚于此書也至東漢後
南陽有風俗之記襄陽
有耆舊之編而體益以
明備焉所謂不出戶而
知天下者蓋由此其推
也康熙丁卯春武昌裴

守刻郡志既成請序于
余余三復而起曰

聖天子揆文奮武驅除殘孽
寰宇昇平卽海外臺灣
諸境從未隸疆索者亦
稽首請吏焉幅幘之廣

超軼古今爰

允廷臣所請修一統誌甚盛
典也然以爲不採之直
省通誌則攷核無資而
非郡邑各以其書獻焉
不無殘闕簡畧掛一漏

萬之懼則一方之記載
而爲我

皇朝徵文考獻所取裁焉可
不慎歟聞是書爲卷十
有二自圖考以下爲目
二十有六然人物則有

勲德忠烈勞績之屬異
其名莧文則有賦詩箴
銘表疏書序碑記之篇
殊其體諸類之中又各
自爲綱目焉何其文而
不浮質而不俚條理而

不素之若是耶武昌爲
三楚都會輜軒冠蓋之
所萃聲名文物之所統
江黃漢襄諸境之所觀
感而則效乃比年來軍
需芻午室有懸未閭閻

困乏已極而貪黷之胥
役遊惰之罷民亦于此
托處焉官其地者恒難
之然語云不知爲吏觀
已成事誠由是書而神
明于其間焉善何以勸

惡何以懲催科何以寓
撫字之方禮樂何以靖
兵刑之氣舉而行之裕
如也余新奉

簡書旦夕有撫滇之行既喜
郡志之成足以爲三楚

生色而裴守將來亦如
志中之循吏以傳焉是
余所厚望也夫

皇清康熙二十六年歲次丁
卯孟春上浣之吉巡撫
湖廣等處地方兼提督

軍務都察院右副都御

史石琳撰



序

不佞陳臬于楚將一年
武昌郡志適于是年春
仰告成太守裴君請不
佞序其簡端不佞惟是
審克明允摘伏姦宄之

爲兢兢未暇及文事也
既而歎曰夫志亦史也
古人文之精者爲史六
經皆史也六經之有春
秋猶法律之有斷案春
秋者聖人之刑書也是

非二百四十年之事于
萬八千字之中筆則筆
削則削何其簡且嚴也
雖以游夏之徒未嘗口
授其微義而獨以同恥
許左氏故其傳與語多

得夫子之秘旨焉其後
歷代諸史厥體非一或
爲記或爲書或爲志雖
其高下煩簡之不同終
不能效春秋謹嚴之法
余獨有感于楚以檇杙

名史爲有合乎古人之
遺意也蓋古人以善爲
常多不紀載以惡爲反
常故特紀之如堯典之
篇朱兕其鯨之惡在所
必載春秋爲亂賊而作

聖人于此有懼心焉夫
民之多僻非其性也氣
蔽習徇迫勢而動弗得
已焉耳人亦有言惡惡
如有疾是故求其標本
緩急而理之生道也不

然剛愎褊隘視民之不
善若不欲其生而欲民
不忍于爲惡難矣書曰
無念于頑無求備于一
夫是故善政者明教
以達政善教者因政而

寓教無逾于志矣太守
曰史有褒貶志則有褒
無貶史兼美惡志則有
美無惡志與史今昔有
不同者蓋不佞三復斯
志而知郡之名雖武而

實則文也他不具論其
間賢人才士勲績政事
文學氣節歷代顯晦不
同而百世之下使人興
起如漢費禕晉孟嘉唐
李邕宋馮京李義山明

魏觀廖道南吳裕李承
芳承箕魏裳吳國倫郭
正域余玉節賀逢聖熊
開元諸君子表而揚之
赫赫如昨其裨世教豈
淺鮮哉觀其所可則所